



## جدوال فمباچاين خطبه جمعة سيري 5/ 2022

(Bulan Mei Tahun 2022)

تاريخ	تاجوق	ب
6.5.2022M/ 5 Syawal 1443H	Kesinambungan Ibadah Pasca Ramadhan	1.
13.5.2022M/ 12 Syawal 1443H	Kenali Al-Quran, Kenalkan Al-Quran	2.
20.5.2022M/ 19 Syawal 1443H	Guru Tunjang Sekolah Sejahtera	3.
27.5.2022M/ 20 Syawal 1443H	Simpanan Persaraan Patuh Syariah	4.
خطبه كدوا		



فرچيتقن دبيايائي :

زكاة فولاو فينغ

تليفون : 04-5498088



*Jawatankuasa Panel Semakan Teks Khutbah  
Negeri Pulau Pinang*

- 1. SS Dato' Seri Dr. Haji Wan Salim bin Wan Mohd Noor (Pengerusi)**  
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 3. Ustaz Rosli bin Othman**  
Ketua Sektor Pendidikan Islam,  
Jabatan Pendidikan Negeri Pulau Pinang
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**  
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)





## KENALI AL-QURAN, KENALKAN AL-QURAN

(13 Mei 2022M / 12 Syawal 1443H)

الْحَمْدُ لِلَّهِ الَّذِي جَعَلَ الْقُرْآنَ هُدًى لِلنَّاسِ وَبَيِّنَاتٍ مِنَ الْهُدَى وَالْفُرْقَانِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، جَعَلَ رَمَضَانَ مِيقَاتًا وَمَنْزِلًا لِلْقُرْآنِ،  
وَكَتَبَ لِأَهْلِ الْقُرْآنِ الْفَضْلَ وَالْإِحْسَانَ،  
وَأَشْهَدُ أَنَّ مُحَمَّدًا عَبْدُ اللَّهِ وَرَسُولُهُ، كَانَ لِكِتَابِ اللَّهِ تَالِيًا، وَبِمَا فِيهِ عَامِلًا  
وَدَاعِيًا،  
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ، وَعَلَى التَّابِعِينَ  
لَهُمْ بِإِحْسَانٍ إِلَى يَوْمِ الدِّينِ.  
أَمَّا بَعْدُ، فَاتَّقُوا اللَّهَ إِنِّي أَوْصِيكُمْ وَنَفْسِي - عِبَادَ اللَّهِ - بِتَقْوَى اللَّهِ عَزَّ وَجَلَّ لَعَلَّكُمْ  
تُفْلِحُونَ.

### SIDANG JEMAAH YANG DIRAHMATI ALLAH,

Saya berpesan kepada diri sendiri dan sidang jemaah sekalian agar sama-sama kita meningkatkan ketaqwaan kepada Allah dengan penuh keyakinan dan keikhlasan. Laksanakan segala perintah-Nya dan jauhi segala larangan-Nya. Semoga ketaqwaan itu akan membentuk kita menjadi insan soleh dalam kehidupan dunia sebagai tempat persinggahan menuju destinasi akhirat.

Sebelum melanjutkan bicara, marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Mimbar pada hari ini akan membicarakan khutbah bertajuk: “**Kenali Al-Quran, Kenalkan Al-Quran.**”

### SIDANG JEMAAH YANG DIMULIAKAN,



Al-Quran merupakan kitab suci yang agung. Ia adalah kalam Allah yang diturunkan kepada junjungan kita Nabi Muhammad ﷺ melalui perantaraan malaikat Jibril عَلَيْهِ السَّلَامُ secara berperingkat selama 23 tahun. Di dalamnya terkandung peristiwa-peristiwa umat terdahulu sebagai iktibar dan peringatan bagi umat Islam yang menyentuh pelbagai sudut kehidupan manusia. Ini termasuk cara hidup berkeluarga, bermasyarakat dan beribadah. Firman Allah dalam surah Ibrahim ayat 1:

الرَّ كِتَابٌ أَنْزَلْنَاهُ إِلَيْكَ لِتُخْرِجَ النَّاسَ مِنَ الظُّلُمَاتِ إِلَى النُّورِ بِإِذْنِ رَبِّهِمْ إِلَى صِرَاطٍ

### الْعَزِيزِ الْحَمِيدِ ①

*Bermaksud : “Alif, Lam, Ra. Ini ialah kitab (Al-Quran) kami turunkannya kepadamu (wahai Muhammad), supaya engkau mengeluarkan umat manusia seluruhnya daripada kegelapan (kufur) kepada cahaya (iman) dengan izin tuhan mereka ke jalan Allah yang Maha Kuasa lagi Maha Terpuji.” (Ibrahim : 1)*

Al-Quran diturunkan bukan sahaja untuk menjadi simbol pengiktirafan Allah kepada Nabi Muhammad ﷺ semata-mata, namun kandungannya turut membawa rahmat untuk umat manusia sejagat. Atas sebab itulah, Baginda menggesa umatnya agar membaca, mentadabbur, memahami dan mengamalkan isi Al-Quran keseluruhannya. Mereka yang menjadikan Al-Quran sebagai bacaan utama pada setiap masa, akan diberi ganjaran pahala oleh Allah سُبْحَانَهُ وَتَعَالَى. Setiap huruf yang dibaca akan diganjar dengan sepuluh pahala sebagaimana sabda Rasulullah ﷺ yang bermaksud:

*“Sesiapa yang membaca satu huruf daripada Al-Quran, maka diberi sepuluh pahala dan ditambah sepuluh lagi kebajikan yang seumpamanya. Tidak aku katakan Alif-Lam-Mim itu satu huruf, akan tetapi Alif satu huruf, Lam satu huruf dan Mim satu huruf.” (Hadis Riwayat At-Tirmizi)*

**SIDANG JEMAAH YANG DIRAHMATI ALLAH,**



Sejarah membuktikan bahawa para sahabat Rasulullah seperti Uthman bin Affan, Zaid bin Thabit, Ibnu Mas'ud dan lain-lain lagi, sentiasa membaca Al-Quran dan mengkhatamkannya pada setiap hari Jumaat.

Tradisi orang-orang tua kita dahulu juga sangat menitikberatkan pendidikan Al-Quran kepada anak-anak. Pembelajaran Al-Quran pada setiap malam selepas solat Maghrib menjadi budaya di setiap kampung dan penempatan. Ini membuktikan mereka sangat mengambil berat tentang pembacaan dan pendidikan Al-Quran. Namun, persoalan yang timbul pada hari ini ialah “berapa ramai umat Islam yang membaca Al-Quran serta atau berfikir secara ‘Qurani’?”.

Pemikiran Qurani bermaksud berfikir bagaimana isi kandungan Al-Quran dapat dijadikan pedoman untuk merenung tentang sesuatu kejadian dan kehidupan. Dengan berfikir menerusi jendela Al-Quran, menjadikan seseorang itu memiliki jiwa ‘*tadabbur*’, iaitu jiwa mengkaji dan menyelidik.

Ayat-ayat Allah adalah sesuatu yang bersifat sesuai dan relevan dengan kehidupan manusia pada setiap masa. Kisah-kisah ribuan tahun lalu yang terkandung di dalam Al-Quran, bukan hanya bertujuan untuk merakamkan peristiwa-peristiwa yang pernah berlaku dahulu, tetapi juga memperingatkan kepada kita untuk mengambil iktibar dan pengajaran terhadap apa yang berlaku.

Al-Quran mengajak manusia menginsafi peristiwa-peristiwa yang terjadi dan merenung tentang hakikat kejadian dan hubungan dengan manusia dan alam. Di samping itu, al-Quran juga menyeru manusia supaya meneliti dan menyelidik rahsia kejadian alam ini untuk dimanfaatkan bagi tujuan pembangunan dan kemajuan hidup manusia.

## **MUSLIMIN YANG DIRAHMATI ALLAH SEKALIAN,**

Kita juga boleh berkongsi tentang al-Quran dengan cara mengedar risalah-risalah dan buku-buku tentang al-Quran atau memasang poster dan sepanduk yang memaparkan mesej-mesej yang terkandung di dalam al-Quran. Selain itu, akaun-akaun media sosial juga boleh digunakan untuk berkongsi poster, gambar, grafik, audio dan video tentang al-Quran. Lebih mudah lagi,



hadiahkanlah naskah-naskah al-Quran agar isi kandungan al-Quran dapat difahami dan diamalkan.

Oleh itu, kita semua mestilah mengambil inisiatif dan usaha bersungguh-sungguh untuk mengenali dan memperkenalkan Al-Quran. Firman Allah dalam surah Fussilat ayat 33:

وَمَنْ أَحْسَنُ قَوْلًا مِّمَّنْ دَعَا إِلَى اللَّهِ وَعَمِلَ صَالِحًا وَقَالَ إِنَّنِي مِنَ الْمُسْلِمِينَ ﴿٣٣﴾

*Bermaksud : “Siapakah yang lebih baik perkataannya daripada orang yang menyeru kepada Allah, mengerjakan amal soleh, dan berkata: ‘Sesungguhnya aku termasuk orang-orang yang menyerah diri.’”*

#### **SIDANG JEMAAH YANG DIHORMATI,**

Sebagai kesimpulan, marilah sama-sama kita mengambil beberapa pengajaran sebagai panduan bersama:

1. Al-Quran adalah mukjizat agung yang diturunkan oleh Allah khusus kepada Nabi Muhammad ﷺ, yang kekal asli sejak dulu dan selamanya.
2. Al-Quran adalah panduan hidup yang lengkap untuk seluruh umat manusia dan membawa rahmat kepada seluruh alam.
3. Umat Islam perlu memahami Al-Quran untuk memperolehi manfaat yang sepenuhnya.
4. Umat Islam perlu kenalkan Al-Quran, menyebarkan mesej-mesej yang terdapat di dalam Al-Quran kepada semua manusia termasuklah kepada mereka yang bukan Islam.

Firman Allah dalam surah Al-Qamar ayat 17:

وَلَقَدْ يَسَّرْنَا الْقُرْآنَ لِلذِّكْرِ فَهَلْ مِنْ مُدَكِّرٍ ﴿١٧﴾

Bermaksud : “Dan sungguh, kami telah mudahkan Al-Quran untuk menjadi peringatan dan pengajaran, maka adakah sesiapa yang mahu mengambil pelajaran (daripadanya)?”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أَنْزَلَ عَلَيَّ سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فَوْزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



# خطبة كدوا بولن مي

2022M/ 1443H

الْحَمْدُ لِلَّهِ عَلَىٰ آلَائِهِ وَإِحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِشَأْنِهِ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.  
صَلَّى اللَّهُ وَسَلَّم عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،  
وَزِنَةَ عَرْشِهِ وَمِدَادَ كَلِمَاتِهِ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبِّكُمْ حَقَّ تَقَاتِهِ،  
وَأَعْمَلُوا بِطَاعَتِهِ وَمَرْضَاتِهِ، ثُمَّ اعْلَمُوا أَنَّ اللَّهَ سُبْحَانَهُ وَتَعَالَى أَمْرُكَ بِأَمْرٍ بَدَأَ فِيهِ  
بِنَفْسِهِ؛ فَقَالَ - عَلِيمًا حَكِيمًا:  
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾  
[الأحزاب: 56]

اللَّهُمَّ صَلِّ وَسَلِّمْ عَلَىٰ عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،  
وَارْضَ اللَّهُمَّ عَنِ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ  
إِلَىٰ يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.  
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ  
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَءَنَا وَوَلَاةَ أُمُورِنَا.  
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ  
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَىٰ صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan  
Agong, Al-Sultan Abdullah Ri'ayatuddin Al-Mustafa Billah Shah Ibni





Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالرَّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

*Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.*

*Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.*

*Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.*

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥١﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،  
وَلَذِكُرِ اللَّهُ أَكْبَرُ ۗ وَاللَّهُ يَعْلَمُ مَا تَصْنَعُونَ ﴿٥٢﴾

